

ی : احمد تاج الدین

بعقوب کمال

آبونه بدلی

عثمانیہ ایچون

لکی ۵۰ غروش

آیلنی ۲۵ غروش

یہ ایچون سنہ لکی

آلی آیلنی ۲ روبلہ

ممالک اجنبیہ

لکی ۱۰ آلی آیلنی

فرانقدر

۱-۲۷
واعتصموا بحبل اللہ جمیعاً ولا تفرقوا...

تعلیم مسلمانان

۱ ۳ ۲ ۸

وجعلناکم شعوباً وقبائل لعارفوا...

مدیر مسئول :

عثمان جودی

محل ادارہ :

استانبول : مرہان

علی پاشا خانی

اظہار مخصوص :

عالم اسلام و اسلامیت

عائد مقالات و آثار

مع المثنویہ درج

اولئہ جقدر .

نسخہ سی ۴۰ پارہ

دینی سیاسی تاریخی فلسفی و احوال عالم اسلام دن باحث ہفتہ لک مجلہ در

تاریخ تاسیس ۳۲۸ مولدانی

جلد : ۱

۲ نیسان ۳۲۶

جمعہ

۵ ربیع الآخر ۳۲۸

عدد : ۱

(بعثت محمدیه)

شرق منبع مدنیت و منشأ دیندر . غربی اسکان و تمدن ایدن شرق اولدینی کی دینی ده غرب اورادن اخذ ایلشدر .

اول امرده حضرت آدم دین حق کندی ذریقه من طرف الله تعلیم و ارئه ایتش ایدی . مؤخرأ سائقه جهالتله اشبو دین حق خلل طاری اولوب اباطیل و خرافات قارشدجه یکی بر پیغمبر بعث اولندی ؛ طریق مستقیمدن انحراف ایدن انسانلره طوغری یولی کوستردی . بو صولته راه حق ارئه و انسانلری ارشاد ایدن ذوات عالیه - که لسان شریعتده نبی و رسول کی اسماء شریفه ایله تسمیه اولنور - بونلردن بعضیلری قرآن کریمده مذکور و مسطور ایسه ده قسم اعظمی مسطور دکلدن . اشبو انبیای عظام حضراتنک ایچنده صاحب عنزم اولمق جهتیه و فضل و شرف اعتباریه برنجیمی و تبلیغ جهتیه صوکنجیمی حضرت محمد صلی الله علیه و سلمدر ؛ ادیان سماویهنک بر کره ده - دوچار تحریف اولمی و ایچلرندن اک یکیسنک توحیدی ترک ایله مذاهب هندیه دن اقتباس ایتدیکی تثلیثه عدول ایلمی اوزرینه طریق حق صورت قطعیه ده تعین و ارئه و علمی ارشاد ایتک اوزره بعث اولمش و کتوردیکی دینه اسلام نامی ویرلشدر . حضرت پیغمبر دخی شرقده بعث اولمقله دین اسلامکده منشأی شرق اولشدر . اسبانک غرب جنوبیسنده جزیره العرب دیندن قطعه نك حجاز ولایتده بعث اولمش و دینی اولاً جزیره العرب خلقنه تبلیغ ایتشدر .

آسیا تاریخنه عطف نظر ایدیلورسه جهات سائرهنده یشایان اقوامک کاه تابع کاه متبوع و کاه غالب کاه مغلوب اوله رق مختلف صفحات کچیردیکی و کراراً دوچار تحول و انقلاب اولدینی کوریلور . کرچه جزیره العربک حدود بویسنده کی ولایاتی دخی بو درلو انقلاباتدن معون قالماش و شمال جهتلری ، یعنی هرودوت طرفندن طاشلق تسمیه ایدیلن قطعلری رومالورکاله کچوب فلسطین ثالث نامیه رومانک برولایتی حالته کلدیکی کی جنوب

اولا انسان کرک فعلاً و کرک عقلاً و کرک وهماً انقسامی قابل اولمیان برطاقم شیلری بیلیر . جزء فردلر و تفضلر کی . اوله ایسه بونلره تعلق ایدن علمده دماغ ویا سائر عضوده غیر مرتسم و بناءً عالیه غیر منقسم اولمق لازم کلیر . چونکه دماغ و سائر عضوده مرتسم اولان صور علمیه هپ حواس خمسۀ ظاهره واسطه سیاه اشیا خارجیهن دن مقتبس و منتزع اولوب حواس خمسۀ ظاهره دنک حس و ادراک ایده چکی اشیا خارجییه ایسه علی العموم مرکب و قابل انقسام اولدیغندن آنلردن اخذ و اقتباس اولان صور ذهنیه و دماغیه نكده مرکب و قابل انقسام اولمی اقتضا ایدر . اگر بویله اولماز ایسه صورت ایله ذی صورتک عدم تطابقی لازم کلیر . بو ایسه بلا شک باطلدر . قابل انقسام اولمیان شیلره تعلق ایدن « علم » ده غیر منقسم و دماغ ویا سائر عضوده غیر مرتسم اولنجه ار علم ایله متصف اولان شیئک دخی غیر منقسم و غیر مادی اولمی ایجاب ایدر که ایشته اوده جسم و جسمانی اولمیان و کندیسنندن « انسان » دیه تعبیر ایدیان بر جوهر مجرددر .

ثانیاً انسان واجب الوجود و سائر کبی مجرداتی تصور و وارقلرینی تصدیق ایلر . اگر انسان بو هیکلدن ویا آکا حلول ایتش بر جسمدن عبارت اولسه ایدی شو تصور و تصدیق کندیسننه ممکن اولیه جق ایدی . چونکه هیکل اولسون هیکلده حلول ایتش بر شی اولسون جسم و جسمانی اولدیغندن مجردات ایله بر کوناماسیتلری یوقدرکه آنلری تصور و وارقلرینی تصدیق ایده بیلسونلر . برده قوای جسمانیهنده مرتسم اولان صور علمیه نك هپ محسوسات و مادیاتدن اخذ و اقتباس ایدلمش اولماری لابددر . بو ، لازم اولنجه صور مجرداتک قوای مذکورده ارتسام ایتش اولمی قابلدیر . اوله ایسه مجرداتی تصور و وارقلرینی تصدیق ایدن شیئک جسم و جسمانی دکل بلکه غیر مادی بر جوهر اولمی تم ایدر که مطلوبده بو ایدی .

موسی کاظم

کیدردی . اشبو تفرقہ نك نتیجہ طبیعیہ سی اولئی اوزره
بینلرندہ محاربات و مقاتلاتا کسک دکلدی . خطہ حجازیہ -
نك قرون اولایہ عائد تاریخی خلاصہ ایدیلورسہ قبائلک
تشکل واضمحلاللرندن . اهمیتسز سبیلرہ مبنی بر سلسلہ
مقاتلاتدن عبارت اولدیی کوریلور .

لیکن قان دعوالریلہ یکدیگرینه خصم الداولان اشبو
قبائل ایچنده هیچ اولمازسه معاً سائرلرینه حائز رجحان
اولان برقبیلہ وار ایدی که قریش قبیلہ سیدر . اسماعیل
بن ابراهیم علیهما السلام اولادندن اولمقله برابر بتون
قبائل عربک زیارتکاهی اولان کعبه معظمه نك خادم
و حاجی و قبائل مختلفه طرفندن جوار کعبه و وضع
ورکز ایدیلان لایعد و لایحصى اصنامک نکهبانی ایدی .
بتون قبائل زیارت ایچون آنلرک مملکتنه کیدر و یکد -
یکریلہ اوراده اختلاط ایلردی . عکاظ . مجنه . ذوالحجاز
کی قبائل عربک زیارتکاه و تجارتکاهی اولان پنازلر دخی
اونلرک مملکتندہ بولنیوردی . هر سنه معین موسملرده
اورالره کیدیلوب هم زیارت هم تجارت ایدیلوردی . آره
صره وقت بولندقه هر قبیلہ الک مقتدر شاعرلری میدان مسا -
بقیه چیقارر و بو وجهله مناشده و مشاعر ایدیلوردی . حتی
حکملر تعینلہ بینلرندہ کی منازعات و مخاصماتی صلح و مسا -
لت طریقله حسم و فصل ایتمک جهتنه بیلہ کیدیلوردی .
بوزیارتکاهلره کلوب کیتمک ایسه جدال دائمہر متارکه
و یرمکه متوقف بولندیغندن سنه نك بعض ایلری اشهر
حرم عد ایدیلرک بولندره تجا و زات و مقاتلات قطعاً
منوع اولدیی کی کعبه معظمه نك دائراً مدار مبین بر
حدود داخلندہ کی اراضی ارض حرام عدایدلش ایدی .
اشبو شهور و امکنه نك حرمتی اخلال بتون قبائلک
حقوق عمومہ سنه تجاوز دیمک ایدی . ایشته بتون بو
احوال مکہ اهلاک . قریش قبیلہ سنک قبائل سائرہ
رجحانی حصوله کتورمشدر . بو زیارتلرک . بو تجارتلرک
صورت منتظمه ده جریانی بر طاقم مصالح عامه . عادت رسمی مأ -
موریتلر تولد ایتدی که آنلرده قریش یدنده بولنور .
هر وظیفه قریشک قبائل عشره سی ایچنده بطناً بدبطن
توارث ایدب کلوردی .

عربی جهتلری یعنی عربیہ سعیده دینان یمن خطه سی
دخی بر وقتلر حبشه نك مؤخرآده ایرانک الہ کیمش .
بصره کورفزی سواحلندہ کائن بحرین ایلہ عمان
قطره لری ده بو درلو انقلاباتدن قورنیلہ مامش ایسه ده
جهات و سطحه سی . حجاز و نجد قطعہ لری تاریخیک دائره
اطلاعه داخل اولدیی و قتلردن بری تجاوز اجانبیدن
مصون و محفوظ قالمشدر . اورالره دخی خارجیدن
مهاجرتلر وقوع بولماش دکلدر . بر وقتلر قحطانیلر
و صکره اسماعیللر شمالدن کلوب توطن ایتشلر سه ده بولر
عرب عاریه دینلن اصل جزیره خلقیلہ برر خلیطه تشکیل
ایدرک عرب مستربه و عرب تابعی میدانه کتیر مشلردر .
مؤخرآ مدینه نامی آلان یثرب و وادی القرا و خیر
جهتلری نه ده بنی اسرایلدن بعض قبیلہ لر عجرت و توطن ایتشلر
و موجودیت قومیلر یله دینلری محافظه ایدہ بیلر سه ده
لسان و اخلاق و عادات جهتلہ تماماً عربک مشلردر .
حتی ایچلرندن سمائل بن عادیا کی نیجه شمرا و بلغا
یتشمشدر . بو وجهله خطه حجازیہ سکنه سی حریت
و استقلاللری دائماً محافظه ایتشلر و هیچ بر وقت اجنبی
بیوندر دینی آلتہ کیرمه مشلردر . انلری بو صورتلہ
اجانبک تخطیسندن محافظه ایدن شی بر طرفدن مملکتلری نك
انظار طبعی جلب ایدہ جک درجه ده ثروت و سامان صاحبی
اولماسی . دیگر طرفدن از هر جهت ناقابل عبور چوللر له محاط
بولنیسدر . اهل نجد و حجاز بو وجهله استقلاللری عصرلر
دن بری محافظه ایتدکلری حالده کندیلری ده اقوام سائرہ
قارشو حرکات تجاوز کارانه ده بولنه جق بر اقدار ابراز
ایدہ مشلردر . چونکه هیئت مجموعه سی خارجه قارشو
فصل استقلاللری محافظه ایدیور ایسه قبائل مختلفه سی ده
هپ استقلال اوزره حرکت ایدیور . یکدیگری
سایمور ایدی . حب حریت و استقلال هر قبیلہ سنده و حتی
هر فردندہ عین صورندہ تجلی ایدیوردی . شجاعت
و بسالتیلہ . اطوار لوندانه بیلہ چوللرک غضنفری اطلاقه
بحق شایان اولان شوقوم نجیب تفرقه داخله سبیلہ
خارجه قارشو بر قوت کوسترمه مشلردی . ایچلرندہ
مرجع کل اوله جق بر حکومت منتظمه شکل ایدہ ده مشدی .
هر قبیلہ استقلالی محافظه ایدر . هر بری بر بشقه یوله

صکره اهل اسلام ایله دیگر قبائل طوغریدن طوغری به مناسباته کیریشدیلر و یک مستعد اولدقلری دین اسلامی بالسموله قبول ایلدیلر .

ایشته اصلاً متحد ، لسانلری متحد ، اخلاق و عاداتجه مشترک اولدقلری حالده کندی قوتلردن غافل اوله رق عصرلردن بری قانلی بیجاقلی اولان قبائل مختلفه عرب دین اسلامک برکاتیه برمدت قلیله ظرفنده تفرقه بی ترک و تاریخده ایلك دفعه اوله رق اتحاد ایدیورلردی . عصرلردن بری اورالره ادخالنه جالشیلان موسویت و عیسوی قابل قبول کورمه یین بوقوم نجیب دین اسلامک علویاتی تقدیر ایدیور و احکامنی قبول ایلیوردی .

اصنام عبادت ایتمک ، آنلره انساندن و حیوانانندن قربان کسمک . قر و حتی بعضاً ارکک اولادلرینی دیری دیری مزاره کومک کی انسانیته یاقشیمان احوالی ترک ایدرک صرتمده کی رداء و حشتی آندی و اون سندن عبارت برمدت قلیله ظرفنده ثواء الحمد محمدی آلتده الشتمدن برامت اولمق اوزره اتحاد ایتدی .

کرچه جزیره العربک خارجنه چیقارک عصرلردن بری جده و غسان جهتلرنده عراق و شام طرفلرنده یرلشمش اولان قبائل عربک دخی اشبولوا آلتنده جمع و توحید ایتمک و بعده آنلر واسطه سیله دین اسلامی آذان عالمینه ایصال ایلمک لازم کلیوردی . لکن عمر نبوی کافی اولمادیغندن اشبو وظیفه مقدسده ک ایسانی خلفاء راشدین حضرت انه تودیع بیورلمشدر .

محمود اسعد

قوا انفسکم . .

هیچ شبهه یوقدرکه : مضمون جلیل کلام مبین عالم انسانیته بر خطاب مستطاب و امر ذوالجلال باصواب اولوب هر مؤمن موحد ایچون نفسنی و اهلی وقایه ایتمک وظیفه میجمله سیله موظف اولمدرینه دلالت ایدن فرمان سبحانیدر . شو حالده اولاً نفسمزی و صوکرده اهلیمزی وقایه ایتمکله مکلف بولنیورز . شو حالده بزاولا کندمزی و اهلیمزی ناصل وقایه

بتون جزیره العرب اهلنک لسانی لسان عرب ایهده بینلرنده مختلف لهجه لر حصوله کلمش ایدی . قریش لهجه سی ایهه بالاده سرد ایدیلان اسبابدن دولایی قبائل سائرله لهجه لرینه فصاحت و بلاغجه تفوق ایتدی . دیگر قبائل شعراسی اولهجه اوزره انشاد ایدر ، قصائد و اشعارنی قریش شاعرلرینه بکندر مکه جالیشوردی . آلرک اشعارنی قریش تأثیرینی اخذ ایتدکدن صکره کندی قلیله لرینه کیدر ، کندی چادرلرنده ترنم ایدیلوردی . بوضورتله لسان عرب حس ایدلمک سزین اتحاد طوغری کیدیوردی بو حرکت ترقی کارانه ک مرکزی ده قریش ایدی . قریشک رجحانی بونلره ده منحصر دکلمدی . تجارتده دخی قبائل عرب ره هبرک ایدردی . هر سنه حجازدن بیوک قافلله قالفار یازین شام وقیشن یمن جهتلرینه کیدر و افرادک تودیع ایتدیکی اموالی اورالده بیوک برتمع ایله مبادله ایدرک عودتمده اصحابنه توزیع ایلردی . دیگر قبائل دخی قریش رؤسایتمک و علی الخصوص عبدمناف بن قصی اولادینک حمایه سی آلتند تجارت ایدردی .

ایشته حضرت پیغمبر تسلط اجانب ایله استقلال و حریت اصایه لرینی اصلاح ایتمه یین وصفوت ابتدایه لرینی عدم اختلاط سایه سنده محافظه ایله یین شوقوم نجیب ایچنده و آنلرک مقتدا و پیشواسی بولنان قریش قلیله سندن بعث اولنش و جمله ادیانک ا یکیمی و ا مکملی اولان دین اسلامی اول امرده بوقومه تبلیغ ایشدر . واقعاً قریش رؤسای برقاچ سنه لر بودینک تعمیم و انتشارینه ممانعت ایتشمسه ده بو کیفیت دین اسلامک غیر معقول قواعد تعلیم ایتدیکندن دکل بلکه صورت قطعیده منع ایلدیکی صنم پرستلکک زوال و اندارسی حالده حائر اولدقلری ریاست دنیوییه یی الدن قاجره ج ققلری قورقوسندن و منفعت شخصییه اندیشه سندن ایلر کلیوردی . لکن شمس حقیقتک اوله ضعیف الاله صورت دائمده سترو اخفاسی قابل اوله مه یه جنی ده درکار ایدی . مکه مکرمه د بولند قجه حضرت پیغمبرک وذوات معدوده دن عبارت اولان اصحاب کرامنک قبائل سائرله ایله اختلاطنه و حقیقتک اشاعه نه رؤسای قریش مانع و حاجز ایهده هجرت نبویه ایله بو حاجزک رفع و ازاله سی یک ممکن ایدی . مدینه منوره یه هجرت نبویه وقوعنده